

弘明集卷第二

樂釋僧祐撰

明佛論 一名神不滅論  
弟子宗炳

人可成佛心作萬有諸法皆空宿緣綿邈億劫乃報乎此皆英奇超洞理信事實黃華之聽豈納雲門之調哉世人又貴周孔書典自堯至漢九州華夏曾所弗暨殊域何感漢明何德而獨昭靈彩凡若此情又皆牽附先習不能曠以玄覽故至理匪遐而疑以自設悲夫中國君子明於禮義而闇於知人心寧知佛心乎今出業近事謀之不臧猶興喪及之況精神作哉得焉則清昇無窮失矣則永墜無極可不臨深而求履薄而慮乎夫一局之弈形筭之後而弈秋之心何嘗有得而乃欲率井蛙之見妄抑大猷至獨陷神於天穿之下不以甚乎今以澁昧之識燭幽冥之故既不能自覽鑒於所失何能獨明於所得唯當明精闡向推夫善道居然宜修以佛經爲指南耳彼佛經也包五典之德深加速大之實含老莊之虛而重增皆空之盡高言實理肅焉感神其映如日其清如風非聖誰說乎謹

推世之所見而會佛之理爲明論曰今會自撫踵至頂以去陵虛心往而勿已則四方上下皆無窮也生不獨造必傳所資仰追所傳則無始也亦世相生而不已則亦無竟也是身也既日用無垠之實親由無始而來又將傳於無竟而去矣然則無量無邊之曠無始無終之久人固相與陵之以自敷者也是以居赤縣於八極曾不疑焉今布三千日月羅万二千天下恒沙閱國界乘塵紀積劫普冥化之所容俱眇未其未央何獨安我而疑彼哉夫秋毫處滄海其懸猶有極也今綴彝倫於太虛爲蘋胡可言哉故世之所大道之所小人之所遐天之所述所謂軒轅之前遐哉邈矣者體天道以高覽蓋昨日之事耳書稱知遠不出唐虞春秋屬辭盡於王業禮樂之良勤詩易之溫凜今於無窮之中煥三千日月以列照麗万二千天下以貞觀乃知周孔所述蓋於蠻觸之域應求治之麗感且寧乏

於一生之內耳逸乎生表者存而未論也若不然也何其篤於爲始形而略於爲神哉登蒙山而小魯登太山而小天下是其際矣且又墳典已逸俗儒所編專在治述言有出於世表或散沒於史策或絕滅於坑焚若老子莊周之道松喬列眞之術信可以洗心養身而亦皆無取於六經而學者唯守救鹿之闕文以書禮爲限斷聞窮神積劫之遠化炫目前而永忽不亦悲夫嗚呼有似行乎增雲之下而不信日月者也今稱一陰一陽之謂道陰陽不測之謂神者蓋謂至無爲道陰陽兩渾故曰一陰一陽也自道而降便入精神常有於陰陽之表非二儀所究故曰陰陽不測耳君平之說一生二謂神明是也若此二句皆以明無則以何明精神乎然群生之神其極雖齊而隨緣遷流成龐妙之識而與本不滅矣今雖舜生於瞽舜之神也必非瞽之所生則商均之神又非舜之所育生育之前素

有鹿妙矣既本立於未生之先則知不滅於既死之後矣又不滅則不同愚聖則異知愚聖生死不革不滅之分矣故云精神受形周遍五道成壞天地不可稱數也夫以累瞳之質誕于頑瞽嚚均之身受體黃中愚聖天絕何數以合乎豈非重華之靈始鹿於在昔結因往劫之先緣會万化之後哉今則獨絕其神昔有接鹿之累則練之所盡矣神之不滅及緣會之理積習而聖三者鑒於此矣若使形生則神生形死則神死則宜形殘神毀形病神固據有腐則其身或屬纊臨盡而神意平全者及自牖執手病之極矣而無變德行之主斯殆不滅之驗也若必神生於形本非緣合今請遠取諸物然後近求諸身夫五岳四瀆謂無靈也則未可斷矣若許其神則岳唯積土之多瀆唯積水而已矣得一之靈何生水上之鹿哉而感託巖流肅成一體設使山崩川竭必不與水土俱亡矣神非形作合

而不滅人亦然矣神也者妙万物而爲言矣若資形以造隨形以滅則以形爲本何妙以言乎夫精神四達並流無極上際於天下盤於地聖之窮機賢之研微遠于宰賜莊愁吳札子房之倫精用所乏皆不疾不行坐微宇宙而形之臭腐甘嗜所資皆與下愚同矣寧當復稟之以生隨之以滅耶又宜思矣周公郊祀后稷宗祀文王世或謂空以孝即問談者何以了其必空則必無以了矣苟無以了則文祿之靈不可謂之滅矣齋三日必見所爲齋者寧可以常人之不見而斷周公之必不見哉贏博之葬曰骨肉歸于土魂氣則無不之非滅之謂矣夫至治則天大亂猶天其要心神之爲也堯無理不照無欲不盡其神精也桀無惡不肆其神悖也桀非不知堯之善知己之惡惡己亡也體之所欲悖其神也而知堯惡云之識常含於神矣若使不居君位千歲勿死行惡則楚毒交至微善則少有所

寬寧當復不稍滅其惡漸修其善乎則向者神之所含知堯之識必當少有所用矣又加千歲而勿已亦可以其欲都澄遂精其神如堯者也夫辰月變則律呂動晦望交而蚌蛤應分至啓閑而鷲鷗龍蛇興焉出沒者皆先之以冥化而後發於物類也凡厥群有同見陶於冥化矣何數事之獨然而万化之不盡然哉今所以殺人而死傷人而刑及爲縲紲之罪者及今則無罪與今有罪而同然者皆由冥緣前遭而人理後發矣夫幽顯一也暨遭於幽而醜發於顯既無怪矣行凶於顯而受毒於幽又何怪乎今以不滅之神含知堯之識幽顯於万世之中苦以創惡樂以誘善加有日月之宗垂光助照何緣不虛已饋仰一變至道乎自恐往劫之桀紂皆可除成將來之湯武況今風情之倫少而況心於清流者乎由此觀之人可作佛其亦明矣夫生之起也皆由情兆今男女構精万物化生者皆

精由情構矣情構於已而則百衆神受身大似知情爲生本矣至若五帝三后雖超情窮神然無理不順苟昔緣所會亦必循俯入精化相與順生而敷万族矣況今以情貫神一身死壞安得不復受一身生死無量平識能澄不滅之本稟日損之學損之又損必至無爲無欲欲情唯神獨照則無當於生矣無生則無身無身而有神法身之謂也今黃帝虞舜姬公孔父世之所仰而信者也觀其縱轡外天龍潛鳥颺反風起未絕粒絃歌亦皆由窮神爲體故神功所應倜儻無方也今形絃理雖外當其隨感起滅亦必有非人力所致而至者河之出嵩洛之出書冀莢無裁而敷玄珪不琢而成桑穀在庭倏然大拱忽余以云火爐王屋而爲烏鼎之輕重大小皆翕歛變化感靈而作斯實不思議之明類也夫以法身之極靈感妙衆而化見照神功以明物復何奇不肆何變可限豈直仰陵九天龍行

九泉吸風絕粒而已哉凡厥光儀符瑞之偉分身涌出移轉世界巨海入毛之類方之黃虞姬孔神化無方向者衆瑞之奄曖顯沒既出形而入神同惚恍而玄化何獨信此而抑彼哉冥覺法王清明卓朗信而有徵不違顏咫尺而昧者不知哀矣哉夫洪範庶微休咎之應皆由心來逮白虹貫日太白入昴寒谷生黍崩城墮霜之類皆發自人情而遠形天事固相爲形影矣夫形無無影聲無無響亦情無無報矣豈直貫日墮霜之類哉皆莫不隨情曲應物無遁形但或結於身或播於事交賒紛綸顯昧渺漫孰覩其際哉衆變盈世群象滿目皆万世已來精感之所集矣故佛經云一切諸法從意生形又云心爲法本心作天堂心作地獄義由此也是以清心潔情必妙生於英麗之境獨情障行永悖於三塗之域何斯唱之迢邇微明有實理而直疏魂休想飛誠悚志者哉雖然夫億等之情皆相

緣成識識感成形其性實無也自有庠悟已來孤聲寥然滅除心患未有斯之至也請又述而明之夫聖神玄照而無思營之識者由心與物絕唯神而已故虛明之本終始常住不可獨矣今心與物交不一於神雖以顏子之微微而必乾乾鑽仰好仁樂山庶乎屢空皆心用乃識必用用妙接識識妙續如火之炎炎相即而成爛耳今以悟空息心心用止而情識歇則神明全矣則情識之構既新故妙續則悉是不一之際豈常有哉使庖丁觀之必不見全牛者矣佛經所謂變易離散之法法識之性空夢幻影響泡沫水月豈不然哉顏子知其如此故處有若無撫實若虛不見有犯而不枝也今觀顏子之屢虛則知其有之實無矣況自茲已降喪真弥遠雖復進越大道而與東走之疾同名在者皆違理謬惑通天妄行弥非眞有矣況又質味聲色復是情偽之所影化乎且舟壑潛謝變速奔電

將來未至過去已滅見在不住瞬息之頃無一毫可據將欲何守而以爲有乎甚矣僞有之蔽神也今有明鏡於斯紛穢集之微則其照藹然積則其照朏然彌厚則照而昧矣質其本明故加穢猶照雖從藹至昧要隨鏡不滅以之辨物必隨穢失而過謬成焉人之神理有類於此僞有累神成精麗之識識附於神故雖死不滅漸之以空必將習漸至盡而窮本神矣泥沮之謂也是以至言雲富從而豁以空焉夫巖林希微風水爲虛盈懷而往猶有曠然況聖穆乎空以虛授人而不清心樂畫哉是以古之乘虛入道一沙一佛未諱多也

或問曰神本至虛何故沾受万有而與之爲緣乎又本虛既均何故分爲愚聖乎又旣云心作万有未有万有之時復何以累心使感而生万有乎

答曰今神妙形麗而相與爲用以妙緣麗則

知以虛緣有矣今愚者雖鄙要能處今識昔  
在此憶彼皆有神功則練而可盡知其本均  
虛矣心作万有備於前論據見觀實三者固  
已信然矣但所以然者其來無始無始之始  
豈有始乎亦玄之又玄矣莊周稱冉求問曰  
未有天地可知乎仲尼曰古猶今也蓋謂安  
在無始之前仰尋先際初自莊渺猶今之冉求  
耳今神明始創及群生最先之祖都自杳漠  
非追想所及豈復學者通塞所預乎夫聖固  
凝廢感而後應耳非想所及即六合之外矣  
無以為感故存而不論聖而弗論民何由悟  
今相與踐地戴天而存踐載之外豈有紀極

不達緣本情感所匱無以會聖而知取至於  
致道之津無所少矣何為以緣始之昧還疑  
既明之化矣哉

或問曰今人云不解緣始故不得信佛此非  
感耶聖人何以不為明之

答曰所謂感者抱升之分而理有未至要當  
資聖以通此理之實感者也是以樂身滯有則  
朗以苦空之義兼愛弗弘則示以投身之慈  
體非俱至而三乘設分業異修而六度明津  
梁之應無一不足可謂感而後應者也是以  
彌往渾淪冥漠豈復議其邊陲哉今推所踐  
戴終至所不議故一體耳推今之神用求昔  
之所始終至於聖人之所存而不論者亦一理相  
疑緣始然後至哉理明訓足如說修行何所

不備而猶必不信終懷過疑於想所不及者與將墮之疾饋藥不服流矢通中忍痛不拔要求矢藥造構之始以致命絕夫何異哉皆由猜道自昔故未會無言致使今日在信妄疑耳豈可以爲實理之感哉非理妄疑之感固無以感聖而剋明矣夫非我求蒙蒙而求我固宜虛已及身隨順玄化誠以信往然後悟隨應來一悟所振終可遂至冥極守是妄疑而不歸鈍斂枉者方將長淪惑網之災豈有旦期背向一差升墜天絕可不慎乎

或問曰孔氏之訓無求生以害仁有殺身以成仁仁之至也亦佛經說菩薩之行矣老子

明無爲無爲之至也即泥洹之極矣而曾不稱其神通成佛豈孔老有所不盡與明道欲以扇物而掩其致道之實乎無實之疑安得不生

答曰教化之發各指所應世蘄乎亂洙泗所弘應治道也純風彌凋二篇乃作以息動也

若使顏冉宰賜尹喜莊周外讚儒玄之跡以導出情所極內熏無生之學以精神理之求世孰識哉至若冉季子游子夏子思孟軻林宗康成蓋公嚴平班嗣楊王之流或分盡於禮教或自畢於任逸而無欣於佛法皆其寡緣所窮終無僭濫故孔老發音指導自斯之備感

向所暨故不復越叩過應儒以弘仁道在抑動皆已撫教得崖莫匪介極矣雖慈良無爲與佛說通流而法身泥洹無與盡言故弗明耳且凡稱無爲而無不爲者與夫法身無形晉入一切者豈不同致哉是以孔老如來雖三訓殊路而習善共轍也

或問曰自三五以來暨于孔老洗心佛法要將有人而獻酬之跡曾不乍聞者何哉

答曰余前論之旨已明俗儒而縕專在治跡言有出於世表或散沒於史策或絕滅於坑焚今又重敷所懷夫三皇之書謂之三墳言大道也今時也孝慈天足豈復訓以仁義純

朴弗離若老莊者復何所扇若不明神本於無生空衆性以照極者復以何道大道乎斯文沒矣世孰識哉史遷之述五帝也皆云生而神靈或弱而能言或自言其名懿淵疏通其知如神既以類夫大乘菩薩化見而生者矣居軒轅之丘登崆峒陟几岱幽陵蟠木之遊逸跡超浪何以知其不由從如來之道哉以五帝之長世堯治百年舜則七十廣成大隗鴻崖巢許夸父比人姑射四子之流玄風畜積洋溢于時而五典餘類唯唐虞二篇而至寡開子長之記又謂百家之言黃帝文不雅訓縉紳難言唯採殺伐治跡猶万不記一豈至道之盛不見于殘缺之篇便當皆虛妄哉今以神明之君遊浩然之世攜士聖於具茨見神人於姑射一化之生復何足多談微言所精安知非窮神億劫之表哉廣成之言曰至道之精窈窈冥冥即首楞嚴三昧矣得吾道者上爲皇下爲王即亦隨化升降爲飛

行皇帝轉輪聖王之類也失吾道者上見光下爲土亦生死於天人之界者矣感大隗之風稱天師而退者亦十号之稱矣自恐無生之化皆道深於若時業流於玄勝而事沒振古理隨文翳故百家所撫若曉而昧又縉紳之儒不謂雅訓遂今徇世而不深于道者仗史籍而抑至理從近情而忽遠化困精神於永劫豈不痛哉伯益述山海天毒之國憚人而愛人郭璞傳古謂天毒即天竺浮屠所興憚愛之義亦如來大慈之訓矣固亦旣聞於三五之世也國典弗傳不足疑矣凡三代之下及孔老之際史策之外竟何可量孔之間禮老爲言之關尹之求復爲明道設使二篇或沒其言獨存於禮記後世何得不謂柱下翁直是知禮老儒豈不體於玄風乎今百代衆書飄蕩於存亡之後理無備在豈可斷以所見絕獻酬於孔老哉東方朔對漢武劫燒之說劉向列仙叙七十四人在佛經學者之

管窺於斯又非漢明而始也但馳神越世者衆而顯結誠幽微者寡而隱故潛感之實不揚於物耳道人澄公仁聖於石勒虎之世謂虎曰臨淄城中有古阿余王寺處猶有形像承露盤在深林巨樹之下入地二十丈虎使者依圖陷求皆如言得近姚略叔父爲晉王於河東捕坂古老所謂阿育王寺處見有光明鑿求得佛遺骨於石函銀匣之中光曜殊常隨略迎覩於灞上比丘今見存卒寺由此觀之有佛事於齊晉之地久矣哉所以不說於三傳者亦猶干寶孫盛之史無譜稱佛而妙化實彰有晉而盛於江左也

或問曰莊諸佛見存一切洞徹而威神之力諸法自在何爲不曜光儀於當今使精麗同其信悟灑神功於窮迫以拔冤枉之命而令君子之流於佛無覩故同其不信俱陷闡提之苦秦趙之衆一日之中白起項籍坑六十万夫古今彝倫及諸受坑者誠不悉有宿緣

大善盡不覩無一緣而悉積大惡而不覩佛之悲一日俱坑之痛惄然畢同坐視窮酷而不能濟何以爲神力自在不可思議乎魯陽迴日耿恭飛泉宋九江虎遠江而蟠避境猶皆心力擴徹能使非道玄通況佛神力融庭之事廟像者頓奪其當年而不見其所得吁可惜矣若謂應在將來者則向六十万命善惡不同而枉滅同矣命善惡雖異身後所當獨何得異見此殊品既一不蒙甄別將來浩蕩爲三千佛土皆見及育聲瘡痍牢獄毒痛皆得安寧夫佛遠近存亡有戒無戒等以慈爲比

之有心宜見苦痛宜寧與彼一矣而經則快多是語實則竟無暫應安知非異國有命出逸群者構此空法以脅異翼善交言有微遠之情事有澄肅之美純而易信者一已輸身遂相承於不測而勢無止薄乎答曰今不覩其路故於夷謂險誠瞰其塗則不見所難矣夫常無者道也唯佛則以神法道故德與道爲一神與道爲二二故有照以通化一故常因而無造夫万化者固各隨因緣自作於大道之中矣今所以稱佛云諸法自在不可思議者非日爲可不由緣數越宿命而橫濟也蓋衆生無量神功所導皆依崖曲暢其照不可思量耳譬之洪水四凶瞽頑象傲皆化之固然堯舜弗能易矣而必各依其崖降水流凶允若克諧其德豈不大哉夫佛也者非他也蓋聖人之道不盡於濟主之俗敷化於外生之世者耳至於因而不爲功自物成直堯之殊應者耳夫鐘律感類猶心玄會況夫靈

聖以神理爲類乎凡厥相與冥達於佛國者皆其烈志清神積劫增明故能感詣洞徹致使釋迦發暉十方交映多寶涌見燈王入室豈佛之獨顯乎哉能見矣至若今之君子不生應供之運而域乎禹績之內皆其誠背于昔故會乘于今雖復清若夷齊貞如柳季所志苟殊復何由感而見佛乎況今之所謂或自斯已還雖復禮義熏身高名馥世而情深于人志不附道雖人之君子而實天之小人靈極之容復何由感映豈佛之偏隱哉我弗見矣若或有隨緣來生而六度之誠發自宿業感見獨朗亦當彙有其人然雖是俗比有復何由相知乎然則麗妙在我故見否殊應豈可以已之不曜於光儀而疑佛不見存哉夫天地有靈精神不滅明矣今秦趙之衆其神與宇宙俱來成敗天地而不滅起藉二將豈將頓滅六十萬神哉神不可滅則所滅者身也豈不皆如佛言常滅群生之身故其身受

滅而數會於起藉乎何以明之夫軌道變化  
各正性命至于鷄彘大羊之命皆乾坤六子  
之所一也民之咀命充身暴同蜘蛛爲網矣  
鷹虎非搏噬不生人可飯蔬而存則虐已甚  
矣天道至公所布者命寧當許其虐命而抑  
其冥應哉今六十万人雖當美惡殊品至於  
忍咀群生恐不異也美惡殊矣故其生之所  
享固可實殊害生同矣故受害之日固亦可  
同今道家之言世之所述無以云焉至若干  
公邴吉虞怡德應于後嚴延年田蚡晉宣殺  
報交驗皆書于魏漢世所信覩夫活人而慶  
流子孫況精神爲殺活之主無殃慶於後身  
乎殺活彼身必受報己身況通塞彼神而不  
榮悴於己神乎延年所殺皆凡等小人竇嬰  
王陵宰牧之豪賢不殊貴賤異其致報一也  
報之所加不論豪賤將相晉王不二矣豈非  
天道至平才與不才亦各其子理存性命不  
在貴賤故耶然則肫魚雖賤性命各正於軌

坤矣觀大鳥之迴翔小鳥之啁噍葛盧所聽  
之牛西已所感之鹿情愛各深於其類矣今  
有孕婦稚子於斯而有剗而剔之燔而炙之  
者則謂冤痛之殃上天所感矣今春獵胎孕  
燔菹羔鶴亦天道之所一也豈得獨無報哉  
但今相與理緣於飲血之世畋漁非可頓絕  
是以聖王庖廚其化蓋順民之殺以滅其害  
踐庖聞聲則所不忍因豺獺以爲節疾非時  
之傷孕解置而不網明含氣之命重矣孟軻  
繫掌於疊鍾知王德之去殺矣先王撫鹿救  
急故雖深其仁不得頗苦其禁如來窮神明  
極故均重五道之命去殺爲衆戒之首萍沙  
見報於白兔釋氏受滅於昔魚以示報應之  
勢皆其窮窪精深迂而不昧矣若在往生能  
聞于道敬修法戒則必不墜長平而受坑焉  
服矣及在既墮信法能徹必超今難若緣疊  
先重難有前報及戒德後臻必不復見坑來  
身矣所謂灑神功於窮迫以拔冤枉之命者

其道如斯慈之至矣今雖有卅美而無道心犯害衆命以報就迫理之當也佛乘理居當而救物以法不蹈法則理無橫濟豈佛無實乎譬之鷦鷯救疾以藥而不信不服疾之不瘳豈鵠不妙乎魯陽耿恭遠祖九江所以能迴日飛泉亟虎避德者皆以烈誠動乎神道神道之感即佛之感也若在秦趙必不陷於難矣則夫陷者皆已無誠何由致感於佛而融治起藉哉夫以通神之衆萃窮化之堂故須弘可見於芥子之內耳又雖今則虎鴻昔或為人嘗有緣會故值佛嘉運投身濟之割股代之苟無感可動以命償殺融治之奇安得妄作吹万之死咸其自己而疑佛哉夫志之篤也則想之而見告之斯聞矣推周孔交夢傳說形求實至古今慤闡傳嚴遐俎而玄對無礙則可以信夫潔想西感觀無量壽佛越境百億超至無功何云大空無別哉夫道在練神不由存形是以沙門祝形燒身厲神

絕往神不可滅而能奔其往豈有負哉契闊人理崎嶇六情何獲于我而求累于神誠自剪絕則日損所情實漸于道苦力策觀傾資僥居未幾有之俄然身滅名實所收不出盜跨構館栖神象淵然幽穆形從其微神隨之遠微則應清遠則福妙盜跨與道孰為優乎頓奪其當年所以超升潛行協于神明福德彰於後身豈能見其所得哉夫人事之動必貫神道物無妄然要當有故而然矣若使幽寢之報不如向論則六十萬命何理以坑乎既以報坑必以報不坑矣今戰國之人眇若安期幽若四皓龍顏而帝列地而君英聲哉實不可稱數同在羿之彀中獨何然乎豈不各是前報之所應乎既見福成於往行則今行無負於後身明矣見世殊品旣宿命所甄則身後所當獨何容濫經之所竒自謂當佛化見之時皆由素有嘉會故其遇若彼今曾無轉應皆各在無緣而反詔至法空構鳴呼

神鑒孔昭侮聖人之殃亦可畏也敢問空構者將聖人與賢人與小人與夫聖無常心蓋就物之性化使遂耳若身死神滅但當一以儒訓盡其生極復何事哉而誰以不滅欺以成佛使燒祝髮膚絕其脣合所過苗穀數不可量且夫彥聖育無常所或潛有塞矣空構

何利而其毒大苦知非聖賢之爲矣若人哉樊須之流也則亦殺身周孔畏懼異端敢妄作哉若自茲已降則不肖之倫也又安能立家九流之外增微老莊之表而照列於千載之後龍樹提婆馬鳴迦旃延法勝山賢達摩多羅之倫曠載五百仰述道訓大智中百論阿毗曇之類皆神通之才也近孫綽所頌耆域健陀勒等八賢支道林像而讚者竺法護于法蘭道邃闡公則皆神映中華中朝竺法行時人比之樂令江左戶梨蜜羣公高其卓朗郭文舉廓然邃允而所奉唯佛凡自龍樹伯夷而慨者也夫孔聖豈妄說也哉稱積善以達寧皆失身於向所謂不肖者之詫乎然

則黃面夫子之事豈不明明也哉今影骨齒髮遺器餘武猶光于本國此亦通之證也夫殊域之性多有精察黠才而嗜欲類深皆以厥祖身立佛前累華親傳世核其實影跡遺事昭化融顯故其襄王則傾國舉戒四衆苦徹死而無悔若理之詭曖事不實奇亦豈肯傾已破欲以尊無形者乎若影物無實聲出來往則古今來者何爲苦身離欲若是之至往而反者宜其沮懈而類皆更篤乎粗可察矣論曰夫自古所以不顯治道者將存其生也而苦由生來昧者不知矣故諸佛悟之以苦導以無生無生不可頓體而引以生之善惡同善報而彌升則朗然之盡可階焉是以其道浩若滄海小無不通雖邈與務治存生者反而亦固陶潛五典勸佐禮教焉今世之所以慢禍福於天道者類若史遷感伯夷而慨者也夫孔聖豈妄說也哉稱積善餘慶積惡餘殃而賴舟天疾厥胤蔑聞商臣

考終而莊則賢霸凡若此類皆理不可通然理豈有無通者乎則納慶後身受殃三塗之說不得不信矣雖形有存亡而精神必應與見世而報夫何異哉但因緣有先後故對至有遲速猶一生禍福之早晚者耳然則孔氏之訓資釋氏而通可不曰玄極不易之道哉夫人理飄紛存沒若幻籠以百年命之孩老無不盡矣雖復黃駢鮑背猶自覺所經俄頃況其短者乎且時則無止運則無窮既往積劫無數無邊皆一瞬一閱以及今耳今積瞬以至百年曾何難及而又鮮克半焉夫物之媚於朝露之身者類無清遐之實矣何爲甘是腐於漏刻以枉長存之神而不自踈於遐遠之風哉雖復名法佑世之家亦何獨無分於大道但宛轉人域囂于世路故唯覺人道爲盛而神想蔑如耳若使迴身中荒外岳遐覽妙觀天宇澄肅之曠日月照洞之奇寧無列聖威靈尊嚴乎其中而唯離人羣忿忿世務

而已哉固將懷遠以開神道之想感寂以昭明靈之應矣昔仲尼修五經於魯以化天下及其眇邈太蒙之巔而天下與魯俱小豈非神合於八遐故超於一世哉然則五經之作蓋於俄頃之間應其所小者耳世又何得以格佛法而不信哉請問今之不信爲謂黔首之外都無神明耶爲之亦謂有之而直無佛乎若都無神明唯人而已則誰命玄鳥降而生商孰遺巨跡感而生棄哉漢魏晉宋咸有瑞命知視聽之表神道炳焉有神理必有妙極得一以靈非佛而何夫神也者依方玄應不應不預存從實致化何患不盡豈須詭物而後訓乎然則其法之實其教之信不容疑矣論曰羣生皆以精神爲主故於玄極之靈感有理以感堯則遠矣而百獸儻德豈非感哉則佛爲万感之宗焉日月海岳猶有朝夕之禮秩望之義況佛之道衆高者窮神於生表中者受身於妙生下則免夫三趣乎今世數

所弘致治於一生之內夫玄至者寡順世者衆何嘗不相與唯習世情而謂死則神滅乎是以不務邈志清遐而多循情寸陰故君子之道鮮焉若鑒以佛法則厥身非我蓋一憇逆旅耳精神乃我身也廓長存而無已上德者其德之暢於已也無窮中之爲美徐將清升以至盡下而惡者方有自新之迴路可補過而上遷是以自古精麗之中潔已懷遠松行於今以擬來業而邁至德者不可勝數是佛法之效矣此皆世之所壅佛之所開其於類豈不曠然融朗妙有通塗哉若之何忽而不奉乎夫風經炎則暄吹林必涼清水激濁澄石必明神用得喪亦存所託今不信佛法非分之必然蓋處意則然誠試避心世物移映清微則佛理可明事皆信矣可不妙處其意乎資此明信已往終將克王神道百世先業皆可幽明永濟孝之大矣衆生沾仁慈之至矣疑神獨妙道之極矣洞朗無礙明之盡

矣發軫常人之心首路得轍縱可多歷劫數終必逕集玄極若是之奇也等是人也背轍失路蹭蹬長往而永沒九地可不悲乎若不然也世何故忽生懿聖復育愚鄙上則諸佛下則蜎飛蠕動平皆精神失得之勢也今人以血身七尺死老數紀之內既夜消其半矣喪疾衆故又苦其半生之美盛榮樂得志蓋亦何幾而壯齒不居榮必懼辱樂寶連憂亦無全泰而皆競入流俗之險路諱陟佛法之曠塗何如其智也世之以不達緣本而悶於佛理者誠亦衆矣夫緣起浩汗非復追想所及失得所關無理以感即六合之外故佛而不論已具前論

論請復循環而伸之夫聖人之作易天之垂象吉凶治亂其占可知然原其所以然之狀靈所弗明則莫之能知今以所莫知廢其可知逆占違天而動豈有不亡者乎不可以緣始弗明而背佛法亦猶此也又以不憶前身

之意謂神不素存夫人在胎孕至于孩齡不得謂無精神矣同一生之內以今思之猶冥然莫憶況經生死歷異身昔憶安得不亡乎所憶亡矣而無害神之常存則不違緣始何妨其理常明乎子路問死子曰未知生安知死問事鬼神則曰未知事人焉知事鬼豈不以由也盡於好勇篤於事君固宜應以一生之內至於生死鬼神之本雖曰有問非其實理之感故性與天道不可得聞佛家之說衆生有邊無邊之類十四問一切智者皆置而不答誠以答之無利益則墮惡邪然則稟聖奉佛之道固宜謝其所絕食其所應如渴者飲河挹洪流以盈已豈須窮源於岷山哉凡在佛法若違天礎理不可得然則疑之可也今無不可得然之礎而有順天清神之寶豈不誠然哉夫人之生也與憂俱生患禍發於時事災沴奮於冥昧雖復邪貴連雲擁徒百万初自獨以形神坐待無常家人矯矯燭

子嬉嬉俄復淪爲忽悅人理曾何足恃是以過隙宜競賒謗冥化縱欲後害神既無滅求誠不得復當乘罪受身今之無賴羣生重羣万等皆殷鑒也爲之謀者唯有委誠信佛託心履戒以援精神生蒙靈援死則清外清汁無已逕將作佛佛固苦余而人侮之何以斷人之勝佛乎其不勝也當不下墜彼惡永受其劇乎嗚呼云極苦毒而生者所以生無已也所聞所見精進而死者臨盡類多神意安定有危迫者一心稱觀世音略無不蒙濟皆向所謂生蒙靈援死則清外之符也夫万乘之主千乘之君日與不遑食非民賴之於一化內耳何以增茂其神而王万化乎今依周孔以養民味佛法以養神則生爲明后殺爲明神而常王矣如來豈欺我哉非崇塔侈像容養濫吹之僧以傷財害民之謂也物之不明遠實而覩近弊將構以詬法矣蓋尊其道信其教悟無常空色有慈心整化不以尊豪輕

絕物命不使不肖竊假非服豈非導之以德齊之以禮天下歸仁之盛乎其在容與之位及野澤之身何所足惜而不自齊其精神哉昔達和上澄業廬山余往憩五旬高禠貞厲理學精妙固遠流也其師安法師靈德自奇微遇比丘並含清貞皆其相與素洽平道而後孤立於山是以神明之化邃于巖林驟與余言於崖樹澗壑之間曖然乎有自言表而肅人者凡若斯論亦和上據經之旨云介夫善即者因鳥跡以書契窮神與人之頌緹紫一言而霸業用遂肉刑永除事固有俄爾微感而終至冲天者今無陋鄙言以警其所感奄然身沒安知不以之超登哉

弘明集卷第二

閱 悅音 息 息律 翼 鬼貌 屈角  
曉 晓反 律 反 晓既 壁 駛者 蟾  
反 穎 晎音 踰之 力渺 羌小 練知 衡  
弃 晝反 經反 禿藐 反 翳 翳  
懲 盧官 炽 炽反 犬罵 騞音 僕  
反 炽反 犬罵 騞音 僕音 楊根  
懲 盧官 炽 炽反 犬罵 騞音 僕  
反 炽反 犬罵 騞根 音七

集

詫王反嫁開反黠八音奢者詭俱委委沮才呂浩胡道  
 慨昔反愛亂羊鎮幾莫結申戶戶婉經阮囂許  
 反黔巨兼連一憩去例旅音壅紓拱拱蹭蹭  
 上士反下七郎反蝶烏女蠕音召齷齷挹音崑昆你音例  
 烳呼音反嬉許之隙丘迷侈昌介豸直介援院音例

乎悲夫章甫之委裸俗韶夏之棄鄙俚至眞  
 絶於漫習大道廢於曲士也若窮迷而不遷  
 者非諱喻之所感試明其旨庶乎有悟於其  
 聞者焉

### 弘明集卷第三

梁釋僧祐撰

集

孫綽喻道論  
 宗居士炳荅何承天書難白黑論  
 穆綽喻道論  
 或有疑至道者喻之曰夫六合遐邈庶類殷  
 充千變万化渾然無端是以有方之誠各期  
 所見鱗介之物不達臯壤之事毛羽之族不  
 識流浪之勢自得於窟井者則恠遊溟之量  
 翻翥於數仞者則疑冲天之力纏束世教之  
 內肆觀周孔之跡謂至德窮於堯舜微言盡  
 乎老易焉復覩夫方外之妙趣寰中之玄照

其私則國無違民而賢善之流必見旌叙矣  
 且君明臣公世清理治猶能令善惡得所曲  
 直不濫況神明所莅無遠近幽深聰明正直  
 罷惡祐善者哉故臺輶之功錙銖之豐報應  
 之期不可得而差矣歷觀古今禍福之證皆  
 有由緣載籍昭然豈可掩哉何者陰謀之門